

Fréttabréf Veturinn 2022 – 2023

Kennarar í Hreiðrinu veturinn 2022-2023



Sigurveig Petra
Björnsdóttir,
deildarstjóri 100%



Kristbjörg Ósk
Svavarsdóttir,
kennari 100%



Katla Ósk
Rakelardóttir,
leiðbeinandi 100%



Júlía Birta
Baldursdóttir,
leiðbeinandi 100%



Andrea Jónsdóttir,
leiðbeinandi/afleysing
62,5%



Börnin í Hreiðrinu

Í vetur verða 17 börn í Hreiðrinu. 8 stúlkur og 9 drengir
3 drengir og 1 stúlka fædd 2020
6 drengir og 7 stúlkur fædd 2021

Dagskipulag

Mánudagar – Hreyfing
Þriðjudagar – Hópastarf
Miðvikudagar – Útivera
Fimmtudagar – Hópastarf
Föstudagar – Listasmiðja

Leikurinn

Leikurinn er mikilvægasta leið barnsins til að læra um lífið, samskipti, vináttuna, skiptast á, taka tillit og æfa sig í samskiptum og orðaforða. Við leggjum mikla áherslu á leikinn og að gefa börnunum það frelsi að æfa þessi mikilvægu skref í þroskaferlinu. Einbeiting þeirra eykst jafnt og þétt og leikirnir þróast.

Hópastarf

Hópastarf verður á **þriðjudögum** og **fimmtudögum** í vetur. Í hópastarfi vinnum við markvisst að því að börnin tengist vel og að þau geti tekið tillit til félaga sinna í leik og verkefnavinnu. Námsvið leikskólans fléttast svo inn í allt starfið en þau eru: læsi, sjálfbærni, lýðræði og mannréttindi, jafnrétti, heilbrigði og velferð og sköpun.

Í hópastarfi vinnum við með bókstafi, tölustafi, tónlist, lífsleikni/dygðir, námssviðin, förum í útiveru, ásamt því að vinna með þema sem kennarinn leggur fyrir eða börnin hafa áhuga á.

Hóparnir eru eftirfarandi (með fyrirvara um breytingar)

Hópstjóri: Katla	Hópstjóri: Kristbjörg	Hópstjóri: Júlía Birta	Hópstjóri: Sigurveig
Andrea Ýr Brynjar Ísak Gunnlaugur Breki Ísabella Ronja Sigurður Steinn	Aníta Sóley Anton Orri Jayden Iserien Sunneva Björk	Fannar Hugi Hekla Dís Hrafnhildur Gyða Svanur Þór	Arna Björk Aron Smári Bjarki Matthildur Hólm

Lífsleikni

Í vetur vinnum við með tvær dygðir og eina undirdygð;
Kurteisi og **samkennd** sem undirdygð fyrir áramót
Glaðværð eftir áramót



Allt okkar starf litast af þessum dygðum, s.s. í samveru, listsköpun og hreyfingu. Á tímabili hverrar dygðar er dygðastund þar sem kennarar og börn deildanna skiptast á að skemmta hinum. Ástæða þess að við veljum að vinna með þrjár dygðir er að þannig ná börnin að læra allar 12 dygðirnar í kennsluefninu okkar á fjórum leikskólaárum.

Málrækt

Tungumálið skiptist í fjóra þætti, hljóðkerfi, merkingarfræði, málfræði og málnotkun. Unnið er markvisst með alla málþættina í leikskólanum. Markmiðið með málrækt á Krógbóli er að gefa börnum tækifæri á að kynnast tungumálinu og möguleikum þess á fjölbreytilegan hátt. Málþættirnir eru samofnir daglegu starfi í leikskólanum en einnig er unnið á markvissan hátt með ýmis verkefni sem miða að því að auka skilning og hæfni barna til að tjá sig og koma hugmyndum sínum á framfæri. Lögð er áhersla á lestur og að börn fái tækifæri til að nota málið á fjölbreytilegan hátt í starfinu, m.a. með því að læra þulur og vísur, syngja og segja frá.

Við vinnum mikið með hljóðkerfisvitundina en hún hefur forspárgildi varðandi hvernig barni gengur að læra að lesa. Við kennum börnunum að hlusta með lestri og athyglisleikjum. Byrjum að vinna markvisst með takt og rím með tveggja ára börnum, höldum áfram og bætum við flóknara rími og leik með málið hjá þriggja og fjögurra ára. Þar er einnig lögð áhersla á að kenna börnunum að ritað mál og tákn hafi merkingu.

Lubbi

Við vinnum með bókina „Lubbi finnur málbein“ en það er námsefni sem inniheldur bókina um Lubba, hljómdisk og mynddisk. Lubbi er íslenskur fjárhundur og hann langar að læra að tala en þá vandast málið því þá þarf hann að læra öll íslensku máhljóðin. Börnin þurfa því að hjálpa Lubba að læra íslensku máhljóðin með söng og ýmsum öðrum æfingum. Þarna fer fram hljóðanáms í þrívídd; sjón, heyrn og hreyfi/snertiskyn er notað og fer það þannig fram að börnin gera táknið fyrir máhljóðin og hljóða máhljóðin.

Listasmiðja

Listasmiðja verður á **föstudögum** í vetur. Við útbúum hin ýmsu verk sem tengjast t.d. árstíðunum, vettvangsferðum, þeirri dygd sem verið er að vinna með hverju sinni eða bara það sem okkur dettur í hug. Við notum alls kyns efnivið t.d. málningu, sand, blek og lím. Börnin fara alltaf í svuntur í listasmiðjunni en þær halda ekki alltaf og þarf fatnaður því að vera í samræmi við það.

Salur - Hreyfing

Vikulegar hreyfistundir á Hreiðrinu verða á **mánudögum** í vetur.

Hreyfing er hluti af okkar daglega lífi hér í Krógabóli. Við höfum hreyfistundir inn á deild eða úti. Markvissar hreyfistundir eru mjög vinsælar hjá börnunum. Hver tími byrjar á upphitun og svo er farið í þrautabraut eða stöðvaþjálfun þar sem atriði úr heilsubókinni eru þjálfuð og miðast það við aldur barnanna hvaða atriði eru þjálfuð.

Krógaból er heilsuleikskóli og tvisvar yfir veturinn þá gera þau vissar æfingar eftir stöðluðum hreyfiæfingum og er það skráð í heilsubók barnsins.

2020 árgangurinn mun fara í íþróttahúsið í Síðuskóla annan hvern mánudag ásamt Lóunni og Spóanum, fyrsti tíminn verður 10. október.

Útivera

Á **miðvikudögum** verður skipulögð útivera. Útiveran er þó háð veðri og færð hverju sinni. Í útiveru fer fram mikið nám og hreyfing og áhersla er lögð á að byggja upp þol og þrek barnanna en umfram allt ætlum við að hafa gaman.

Veikindi

Leikskólinn er ætlaður heilbrigðum börnum. Barn getur fengið í undantekningar tilvikum að vera inni í einn dag eftir langvarandi veikindi. Barnið verður að vera búið að vera heima hitalaust í einn til tvo daga áður en það kemur aftur í leikskólann.

Barn á ekki að koma í leikskólann ef:

- Barnið er með hita.
- Barnið er með kvef, hósta og að minnsta kosti eitt af eftirtöldum einkennum til viðbótar; slappleika, höfuðverk, beinverki, þreytu, kviðverki og/eða niðurgang.
- Barn skal sótt í leikskólann ef heilsufar þess breytist; barnið fær hita yfir 38°C og/eða flensulík einkenni.

Afmæli

Við gerum daginn eftirminnilegan fyrir barnið, það fær kórónu, við syngjum afmælissönginn og kveikjum á kertum sem barnið síðan blæs á. Allt er þetta myndað og fær barnið afmæliskort með myndum af sér á afmælisdaginn. Ekki er leyfilegt að koma með neitt að heiman í tilefni dagsins.



Leikföng og matur

- Leikföng að heiman eru ekki leyfileg í leikskólanum
- Einnig er stranglega bannað að koma með mat í leikskólann þar sem börn í leikskólanum eru með bráðaofnæmi. Það er freistandi að fá að smakka eitthvað

góðgæti sem vinirnir hafa meðferðis. Við gerum þó undantekningu á þessu þegar það er nestisdagur.

Foreldrasamtöl

Þriggja til sex mánaðasamtal fyrir nýja foreldra í Hreiðrinu er í kringum áramótin. Árleg foreldrasamtöl eru á vorin, á tímabilinu apríl til maí, þar sem farið verður yfir heilsubók barnsins, þroska og líðan þess í leikskólanum. Ef óskað er eftir fleiri samtölum þá er sjálfsagt að veita þau.

Kaffidagar

Á skóladagatali okkar er fyrirhugað að hafa aðventukaffi fyrir foreldra að morgni dags 7. desember. Gæðastund fyrir foreldra og barn. **Aðventukaffið verður frá klukkan 8:15 - 9:00.**

Vistunartími

Leikskólinn er opinn frá 7:45-16:15

Foreldrar virði vistunartíma barna sinna.

Barnið á að vera farið úr leikskólanum þegar vistunartíma þess líkur.

T.d. ef barn er með vistunartíma til kl. 14:00 eða 16:15 þá á það að vera farið út úr leikskólanum á þeim tíma og ef barn er með tímamann kl. 8:00 þá má það ekki koma fyrir þann tíma. Við viljum benda á þetta þar sem fjöldi starfsmanna fer eftir því hversu mörg börn eru á deildinni á hverjum klukkutíma. Ef eitthvað óvænt kemur upp á þá vinsamlegast hringið og látið okkur vita. Best er þá að hringja í gsm númerið okkar **649-6226** á þeim tíma.

Fataherbergi

Hvert barn fær kassa sem er í hillu í fataherbergi en hann er ætlaður undir auka útifatnað.

Í hólfinu fyrir neðan hilluna á að geyma auka útiföt: Húfu, tvö pör af vettlingum, pollavettlinga, hlýja útiþeytu og utanyfirbuxur.

Fatnaður sem á að hanga er: Útiföt eftir veðri, úlpa, snjófatnaður, pollaföt.

Auka innifatnaður er í körfum inni á baðherbergi.

Skór og stígvél fara upp á skógrind fyrir neðan hólfin.

Allt úr hólfum á að fara heim á föstudögum.

Mikilvægast af öllu er taupokinn. Hann er ætlaður til að flytja fatnað milli heimilis og skóla og undir blaut og skítug föt eftir daginn.

Þegar veður leyfir endum við alla daga á útiveru og viljum minna á að í lok dags mega foreldrar fara inn að sækja fatnað í fathólf barnanna ef þörf er á. **Vinsamlegast ekki klæða börnin úr útifatnaði í fataherbergi til að fara í aðrar yfirhafnir. Blaut föt eiga að alltaf að fara heim.**

Einnig viljum við brýna fyrir foreldrum að merkja öll föt, skó og stígvél.

Bílaplan

Á bílaplani leikskólans eru tvö stæði fyrir fatlaða.

Stæðiskort fyrir hreyfihamlaða veitir heimild til að leggja ökutæki hvar sem er á landinu í

bifreiðarstæði sem ætlar er fyrir fatlaða og auðkennt er með þar til gerðu umferðarmerki. Í leikskólanum geta verið börn sem eru í flokki fatlaðra og eiga foreldrar þessara barna rétt á að nota þessi bílastæði. Einnig geta verið foreldrar í leikskólanum sem eiga rétt á að leggja í þessi bílastæði en bera ekki sjúkdóma utan á sér og biðjum við foreldra að virða það.

Einnig við viljum minna foreldra á að drepa á bílnum þegar þeir koma með og sækja barnið. Þegar bílar eru enn kaldir myndast tiltölulega hátt hlutfall af eiturgasinu kolmónoxíð og í hægum vindi liggur þetta eitur í öndunarhæð barnanna.

Mikilvægt:

- keyra inn á bílplanið um efri innkeyrslu
- keyra út af bílplaninu um neðri útkeyrslu
- loka og læsa leikskólahliðinu þegar þið gangið um það
- gæta þess að ekkert barn fari út um hliðið nema ykkar eigið
- að börnum sé EKKI leyft að opna og loka hliðinu

Vinsamlegast upplýsið ættingja og vini sem eru að sækja eða koma með börnin ykkar í leikskólann um þessar reglur.

Karellen

Leikskólinn notar leikskólakerfið Karellen til að halda utan um alla mætingu nemenda. Í Karellen er einnig boðið upp á skráningu á svefntíma og matartíma barnanna auk þess sem myndir af börnunum eru settar inn á þeirra svæði. Foreldrar geta á einfaldan hátt sent skilaboð til deildar barnsins með upplýsingum um t.d. veikindi, hver nær í barnið o.s.frv. Á sama hátt geta kennarar sent skilaboð til hópa eða einstaka forráðamanna innan kerfisins. Þeir foreldrar sem ekki hafa skráð sig inn í kerfið gera það með því að fara inn á www.my.karellen.is og velja síðan nýskráningu, þar eru mjög góðar skýringar á allri notkun á kerfinu. Karellen er einnig til sem app og mælum við með að þið náðið í það í símana ykkar eftir að þið hafið virkjað aðganginn á vefsíðunni. Vinsamlegast látið vita fyrir klukkan 9 á morgnanna ef barnið mætir ekki í leikskólann.

Dagatal

Mánaðarlega útbúum við dagatal en þar má sjá hvað ber hæst í hverjum mánuði. Dagatalið er sett inn á Karellen heimasíðuna www.krogabol.karellen.is og hægt er að prenta það út og hvetjum við alla til að gera það. Börnin hafa mjög gaman af því að fylgjast með hvað bíður þeirra næsta dag eða í mánuðinum. Við hvetjum ykkur einnig til að skoða heimsíðuna www.krogabol.karellen.is reglulega, þar eru ýmsar upplýsingar varðandi leikskólann.

**Kær kveðja frá kennurum Hreiðursins með von um gott samstarf í vetur
Sigurveig Petra, Kristbjörg Ósk, Katla Ósk, Júlía Birta og Andrea**